


Ibanga loku-1



# Incwadi Enkulu yamabalana



basic education  
Department:  
Basic Education  
REPUBLIC OF SOUTH AFRICA

ISIXHOSA

Incwadi

1





## Amabali akule ncwadi:



## 1 Ndiyakwazi ukufunda



## 2 Ukhuseleko phambili



## 3 Kumnandi eklasini



## 4 Siqala isikolo



## 5 Usapho lwakuloBongi nabahlobo bakhe



# Indlela yokusebenzisa le ncwadi:

Njengotitshala kuza kufuneka wenze izicwangciso ezilungiselela imisebenzi yokufunda notitshala eklasini. Ngokwesiqhelo xa kufundwa notitshala, utitshala usebenza nabafundi bonke, kodwa ukuba abafundi baninzi kakhulu kuya kulunga ukuba utitshala asebenze neqela okanye inxalenye yabafundi ngexesha. Kufuneka kuqinisekiswa ukuba abantwana bahlala kakuhle ukuze bakwazi ukuyibona Incwadi Enkulu ukuze bakwazi ukufunda okubhaliweyo.

Xa kufundwa Incwadi Enkulu umntwana ufunda ukuphatha incwadi ngendlela eyiyo, ukuyibamba ayimise nkqo, atyhile namaphepha kakuhle. Ufunda isigama esingencwadi, umzekelo, uqweqwe, umphambili, umva nesihloko. Ukufunda notitshala kukwabonisa inkqubo yokufunda kwaye kubalulekile ekuphuhliseni izakhono zabantwana zokuphulaphula, ukuthetha, ukufunda, ukuqeqe nezokubhala njengoko kugunyazisiwe yinkqubo kaCAPS:

- Ukuphuhlisa izakhono zokuphulaphula nokuthetha.
- Ukuphuhlisa izakhono zokufunda ezisakhulayo.
- Ukuphendula imibuzo esekelwe ebalini.
- Ukuthatha inxaxheba kwiingxoxo nokunikana ithuba lokuthetha.
- Ukuzoba nokulinganisa ibali.
- Ukuqikelela ukuba lingantoni na ibali ngokujonga imifanekiso.
- Ukusebenzisa ithuba lokufunda notitshala njengesiseko sokubhala notitshala.



### Ukulungela ixesha lokufunda Incwadi Enkulu

- Qinisekisa ukuba incwadi ibonwa ngabantwana bonke.
- Ukuba baninzi kakhulu abafundi bakho, bahlule babe ngamaqelana.
- Kungaluncedo ukuba nexhayi lencwadi onokubeka kuso incwadi ukuze ungayibambi ngokwakho xa ufunda. (Jonga imiyalelo yokwenza ixhayi lencwadi kuqweqwe lwangasemva.)
- Yiba nento yokwalatha nokuba yirula oza kwalatha ngayo amagama xa ufunda.
- Ukuba ufuna ukugxininisa igama elithile, ungancamathelisa amaphetshana ajikeleze elo gama okanye wenze 'ifesitile'. Thatha iphepha uze usike uxande embindini. Wakugqiba beka uxande olo phezu kwamagama ukuze kuvele kuphela igama elinye, eli ulifunayo.

### Ukufunda notitshala okokuqala

Ukufunda kokuqala kugxila kulonwabo nokubona amagama okokuqala, nabantwana bethetha ngebali.

- Tyhila ubabonise ibali abaza kulifunda.
- Thetha ngemifanekiso ekhoyo. Abafundi mabaqikelele ibali ngokujonga isihloko nemifanekiso.
- Bafundise amagama amatsha okanye anzima phambi kokuba abafundi bafunde ibali.
- Yenza amakhadi amagama oza kufundisa ngawo isigama esitsha.
- Funda ibali ngendlela eza kubonisa imvakalelo, ukutshintsha-tshintsha kwelizwi, isantya sokufunda nemvakalo-zwi. Sebenzisa izijekulo/izandla nembonakalo yolusu/yobuso.
- Yalatha amagama ngerula xa ufunda ukuze abafundi babone la magama uwafundayo ukuze bakwazi ukudibanisa isandi kunye nophawu olusephepheni. Oku kuya kubanceda babone inkqubo yokufunda ukusuka ngasekhohlo uye ngasekunene nokusuka ngasentla uye ngasezantsi.
- Eli thuba lisebenzisele ukufundisa 'ulwimi lwencwadi' olufana namagama, izivakalisi, iphepha, umbhali, isihloko, njalo-njalo.
- Abafundi mabathathe inxaxheba ebalini, bangenelele kwiindawo ezinamabinzana aphindaphindwayo (umz. "Naliya isela elenze le nto, lisihlazisa sonke! Qhiwulani, qhiwulani!")
- Kufuneka ibali lifundwe kabini okanye kathathu ukuze abafundi babe nethuba lokuphinda-phinda bonke ngaxeshanye izicuku zamagama, benze imidlalo belinganisa ibali okanye babalise iindawo ezithile besebenzisa awabo amagama.

### Ukufunda notitshala okwesibini

- Xa kufundwa okwesibini kusetyenziswa isicatshulwa esinye kwaye kugxininiswa ukubandakanyeka xa kufundwa notitshala kusetyenziswa iingxoxo eziphuhlisa isigama, ukuqonda, izakhono zokucalula neemo zezicatshulwa (igrama, iziphumlisi, njl.)
- Kukuwe titshala ukugxininisa kwizifundo ezingale miba: ulwazi ngeembalo, iimpawu zeembalo, izandi, iipatheni zolwimi, ubuchule bokuchonga amagama nokuqonda ngokwamanqanaba ahlukeneyo (intsingiselo eqhelekileyo, ukulungelelanisa, intsingiselo efihlakeleyo, ukuhlola nemibuzo ebonisa ukuqonda okunzulu.)

### Ukufunda notitshala okwesithathu

- Kwityeli lesithathu lokufunda kufuneka abantwana bafunde ibali ngokwabo, benze imisebenzi ethethisayo, eyenziwayo nebhalwayo esekelwe ebalini.
- Apho kunokwenzeka, ibali elifundwe notitshala kufuneka libe luncedo kumsebenzi wokubhala notitshala apho utitshala abonisa indlela yokubhala ibali. Abantwana nabo baba nenxaxheba ekuyilweni kwesicatshulwa ngeli xesha utitshala adlala indima yokukhuthaza nokubhala ebhodini. Oku kubonisa inkqubo yokubhala kunceda ekufundiseni abantwana ukuba bakwazi ukubhala eyabo imisebenzi.



# Ndiyakwazi ukufunda

Umama wam.



Utata wam.





Imoto kamalume.

Ihagu kamama.





Ubhaka wam.

Usisi unesipili.







Isele  
liyatakataka.

Ipeni yam.





Itakane  
liyabaleka.



im.





Ivuvuzela yam.

Ndiyabaleka.

Yhoo!  
Isigodo!







Musa ukudlala ngombane.  
Musa ukudlala ngamayeza.





Musa ukusondela kwizinto ezishushu.

Musa ukuziphatha.

Musa ukudlala ngematshisi okanye izibaneki.

Musa ukudlala ngomlilo.



Ziziphi izinto ezishushu?

Zinto zini eziba shushu maxa wambi?

Zinto zini ezingekho shushu?





3

# Kumnandi eklasini

UJabu uyakuthanda ukuzoba.



ULinda uthanda ukupeyinta.



UBongi uthanda ukufunda.



UDan uthanda iibhloko.



USandile  
yena uthanda  
ukubhala.



High Quality



UMary uthanda  
ukusika.



UKen uthanda ukudlala ngodongwe.  
UNomsa uthanda iiphazili.





UBonile uthanda nje yonke into.





Jabu

Linda

Bongi



Dan

Ken

Mna ndinguBongi.

Aba nguLinda, uDan, uKen noJabu.

Lo nguBathathe, yinja yasesikolweni.

UBathathe yinja ehlekisayo kakhulu.



Kumnandi ukudlala elangeni.  
Sithanda ukubaleka nokudlala unochesi.







Sidlala elangeni, sibaleke  
nokubaleka. Kuba mnandi kakhulu xa  
kushushu. NoBathathe uyakuthanda  
ukubaleka elangeni.





Hawu-hawu!  
Hawu-hawu!

Siyacula.

UBathathe uphantsi kwemethi.

UBathathe wonwabile.



Bathathe hayi!  
Musa ukubaleka  
endleleni.



Ukuphuma kwesikolo siyagoduka.  
Sijonga ngasekunene nangasekhohlo,  
nangasekunene kwakhona. Emva koko  
siwela indlela. Siyema xa irobhothi  
ibomvu. Kumnandi ukuya esikolweni.




# Usapho lwakuloBongi nabahlobo bakhe



NdinguBongi igama lam.  
Ndinemyaka esi-7. Ngudade wethu  
uNomsa lo. Ngumhlobo wam uLinda lo.






Ngumnakwethu lo.  
Ngumama notata aba.  
Yinja yam le.



Siyakuthanda ukudlala.  
Siyakuthanda nokufunda.








Sincedisa ukusebenza esitiyeni.

Sidlala kwindlu esemthini.

Inja iyakuthanda ukugrumba esitiyeni.



Silusapho olukhulu olonwabileyo.  
Ngutatomkhulu lo.  
Ngumakhulu wam lo.  
Ngumalume lo.  
Ngumalumekazi lo.





UDan, uKen, uLinda noJabu  
ngabahlobo bam.



Siyakuthanda ukudlala.  
Kulungile ukuba nabahlobo.  
Kumnandi ukuba nenja.



Siyanamkela kolu thotho lweNcwadi Ezinkulu. Le Ncwadi Inkulu iyinxalenye yothotho lweencwadi iRainbow Series oluquka iincwadi zokusebenzela, isisele (ingqokelela yeendidi zeembalo), iincwadi zokufunda ezahlulwe ngokwamanqaba kunye neepowusta. Siyathemba ukuba la mabali ahlukeneyo akwezi Ncwadi Zinkulu zisibhozo zeli banga aya kuba luncedo ekufundiseni kwakho, nokuba abafundi baya kukonwabela ukufunda kunye nawe.

INGxelo yeNkqubo yeKharithyulam noVavanyo iCAPS yesiGaba esisisiSeko igxininisa ekufundeni notitshala njengenxalenye ebalulekileyo yobuchule bokufunda. Ukufunda notitshala kukholisa ukuthatha iintsuku ezimbini ukuya kwezine ngeveki apho bonke abantwana bafunda incwadi enye.

Ukusebenzisa iNcwadi Enkulu enamagama amakhulu yeyona ndlela ilungileyo yokufunda notitshala kuba abantwana bayakwazi ukubona amagama nemifanekiso, bakulandele naxa ufunda ngendlela efana naleyo bayiqhelileyo yasemakhaya yokubalisa amabali neentsomi. Kubalulekile ukuba bahlale kufuphi neNcwadi Enkulu ukuze bakwazi ukubona nokufunda amagama. Amagama amakhulu eNcwadi Enkulu enza kube lula ukufundela abafundi abaliqela ukhwaza ngexesha elinye kwimeko ekhululekileyo nengoyikisiyo.

Iincwadi Ezinkulu ezikolu thotho ziza kufundisa abafundi bakho amabali ahlukeneyo, imibongo, izicengcelezo nemidlalo emifutshane kwakunye nolwazi nemifanekiso.

Luxanduva lwakho njengotitshala ukuba wenze amabali aphile kunjalonje wakhe imeko yolonwabo nochulumanco. Ukufunda Incwadi Enkulu kwenza ukuba ukwazi ukufundisa ukufunda ngendlela eyonwabisayo kuwe nakubafundi bakho. Siyathemba ukuba le ncwadi iya kukunceda wenze kanye loo nto.



## Iingcebiso malunga nokusetyenziswa kweNcwadi Enkulu

- Funa kweplastiki ecacileyo oza kuyibeka phezu kweNcwadi Enkulu. Iya kuba luncedo kuwe nakubafundi nibe nakho ukubhala phezu kwayo.
- Bhala phezu kweplastiki ngepeni esulekayo (imakha yokubhala kwibhodi emhlophe).
- Qhoboshela kweplastiki yangaphezulu kwiNcwadi Enkulu ngephegi okanye ngekliphu.


## Zenzele elakho ixhayi lencwadi

Uza kufuna oku:

1. Ikhadibhodi enobubanzi obulingana nobeNcwadi Enkulu ivuliwe (594 mm) nobude obuphindwe kathathu (1369 mm).
2. Iteyiphu encamathelisayo.
3. Iiphegi zokwaneka iimpahla ezimbini zokubamba ikhadibhodi.



Goba ikhadibhodi yenze imilo engu-A uze udibanise isiseko nomphambili njengoko ubonisiwe apha ngezantsi. (Dibanisa iziqwenga zekhadibhodi ngeteyiphu yokuncamathelisa ukuba akunasiqwenga side ngokwaneleyo.)



ISBN 978-1-4315-2841-7



9 781431 528417



ISBN 978-1-4315-2841-7

**THIS BOOK MAY NOT BE SOLD.**



**basic education**

Department:  
Basic Education  
REPUBLIC OF SOUTH AFRICA

Published by the Department of Basic Education  
222 Struben Street, Pretoria  
South Africa

© Department of Basic Education  
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay

